

شعرا

علم قواني

فاطمة عبدالرؤوف

الطبعة الأولى
الكتاب : حلم قواني
المؤلف : فاطمة عبدالرؤوف
تصنيف الكتاب : شعر
تصميم وإخراج : أحمد عبد الحليم
المقاس ٢٠ × ١٤
رقم الإيداع : ٢٠١٦ / ٣٩١٥
الترقيم الدولي : 4 - 199 - 776 - 977 - 978

دار يسطرون



طباعة وتوزيع الكتب فى جميع أنحاء العالم
الكتبة والمطبعة : ٣ ش صفوت - محطة المطبعة
شارع الملك فيصل - الجيزة
جمهورية مصر العربية
٠١١٥٧٧٦٠٠٥٢ - ٠١٢٢٩٣٠٠٠٢٩

مدير الإنتاج : أحمد عبد الحليم
المدير العام : أحمد فؤاد الهادى
رئيس مجلس الإدارة : عماد سالم
بريد إلكترونى : yastoron@gmail.com

موقعنا على الفيس بوك : مؤسسة يسطرون لطباعة وتوزيع الكتب
جميع الحقوق محفوظة للمؤلف

الهرء

إلى كل من كان بجوارى دائما
أهلى، أصدقائى، وكل من له فضل بإخراج حرف واحد
تحياتى لكم جميعا أحبتى
فاطمة عبد الرؤف

obeikandi.com

حلم قوّانی

وشفتك حلم قوّانی
وحضنك ليّ ده أمانی
وقلت اكتب كلامی انا ليك
عشان فعلا عشقت عينيك
وشفتك حلم جوائی
وبين إيدك سنين عمری
بتحكي معاك سر هنائي
وشفتك حلم قوّانی
وهابدأ عمری من تاني
وانا وياك وبين إيدك

بقيت باصحي بمواعيدك
وانام على همس أشواقك
معاك طفلة
بترسم بيك كده أحلامها
ودنيتي هاكملها بروحي معاك
وكياني وانا وياك
أقول للدنيا إيه تاني
أنا عايشة معاك باحلم
وحلم يهز وجداني
أنا طفلة معاك بافرح
وفيه جوايا شوق يطرح
وحبك هو دنياي
وحبك هو دنياي

ليه تعانى؟

أى حاجه مزعلاكِ
تيجى ليّ تحكيها لي
قلبي حس بيكِ
دمعتك سر انشغالى
كل شئ جواي ليكِ
يحكى ليّ ازاي تعانى
أى حاجه مزعلاكِ
هى برضو مزعلا لي
كل شئ حبيته فيكِ
رقتك صوتك كيانك

راسمة قلبك جوه بالى
أى حاجه مزعلاكِ
أو تكون سبب آلامك
قلبي يعمل أى حاجه
عمرى لما يهون عشانك
وارسم الضحكه ف عينكِ
أو أبكى فعلا بدالك
عمرى ليكِ قلبى ليكِ
يبقى فعلا ليه تعانى
ترسمى الدمع ف عينكِ
تبكى ليه ازاي لحالك؟
أنا إيه بالنسبة ليكِ
لوهاسيبك مرة و حدك
أو أسيب الخوف ييجي لكِ

أو أسيب الحزن ياخذك
والا اشوف دمعة عيونك
وانا أصلا زى ضلك
يبقى إيه بعدى فاضل
لك
لما تبكى وانا عايشه
أى حاجه مزعلاك
هى برضو مزعلاى

حاضنة قلبك

خلى بالك
قلبي انا عايش عشانك
روحي عايشة معاك إنت
مستحيل الخوف يزورك
خلى بالك إيدى ماسكه بجد إيدك
ع الحياة دايمًا تعينك
حاضنة قلبك بين كفوفى
شايفه روى بتنادي لك
خلى بالك عقلى ليك
يتحدى برضو الكون عشانك

خلى بالك
مستحيل ف يوم أسيبك
مستحيل اتخلى عنك
حد برضو يسيب حبيبه
حد برضو يكون مكانك
مستحيل اكتب كلامى
إلا لىك
واعزف غرامى إلا ..
واناحاضنه عنىك
مستحيل اتخلى عنك
مش هاسيب الدنيا تاخذك
مش هاكون غير بس لىك
مش هافارق يوم عىنىك
مش هاسيب أبدا إىدىك

احضنى قلبى

احضنى قلبى اللى حبك
خلى شوقى يعيد زمانك
افرحى وانسى اللى فاتك
سيى نفسك جوه حضنى
المكان نفسه مكانك
احضنى الأفراح كثير
خلى قلبى يعيش أسير
سيى نفسك جوه منى
وافرحى وماتزعلش
كل شئ فى الدنيا ديّ

غير وجودك مایساویش
اكتبي في الحب شعری
اوصفی حبی وعواطفی
اكتبي ماتفكریش
مش هاسیبك ماتخافیش
افتحی یالا دراعك
سیی قلبی لیک عایش
احلمی وماتخافیش واضحکی ماتعیطیش

جاه وقال لى

جاه وقال لى احضينى فى المنام

سمعيني أحلى كلام

وسطرى أجمل غرام

بين السطور اعز في لحن جميل

مستحيل في يوم يزول

جاه وقال لى احضينى

إنّ قلبى وانت عيني

وانت بين النبض قصة

كل ليلة بتناديني

نفسى اكمل عمرى تانى

بين إيديكِ وتسمعي
نفسى اكون ليكِ أمانكِ حلم غايب عن عيونك
نفسى اكون ليكِ أميرك
اللى لما تحتاجيه
يبقى واقف جنب منك
مستعدة تحضنيه
نفسى أبقى حته منك أو حبيبتى أكون ملامحك
لو تغيبى أشوف عيونك جنب نبضك
بتنادينى وتحضنينى زى طفلكِ لما أغلط
إوعى يوم تاخدى قرار وتبعدى من غير عتاب
إوعى تبقى وحدكِ انتِ حاسه بعذاب
إوعى تمشى وتسيينى وتقفلنى على قلبى بابك
وتسيينى فى وحدة تانى وتسيينى أخاف عذابك
أيوه خايف من عذابك ونظرتك

نفسى أرجع وامشى تانى ف سكتك
مش كفاية أخاف عليكِ
مش كفاية أحب فيكِ
مش كفاية أرسمك
وكل شئ بياخدني ليكِ
كل ده بالنسبة لي وصف عادى
يااللى نبضك جوه قلبى
ويااللى حبك كل حاجة
بعذك انت الدنيا دي صعب تبقى أى حاجة

جته منك

عايزه أبقى حتته منك
مش مجرد ابقى جنبك
تيجي تضحك جوہ حضني
وتبكي بالليل تاني و حدك
لما لسه بتحب غيري
تبقى ليه بتكون عشاني
ليه ما اكونتش قد وعدك
ليه بتجرح قلب حبك
ليه تعذب تاني قلبك
ليه بتظلم حتى نفسك

ليه بتهرب من عيوني
لما بسأل معنى حبك
يا اللي متعود تقاسي
يا اللي شايفاك كل ناسي
ليه بتجرح قلب تاني
ليه تكون دايمًا أناني
ولما دايمًا اسأل عليك
تمسح الدمع وتجيبي

مش عايزك

مش عايزك تبعد وتسيبني
وكل ما في حبيبي بجد
يبقي حابني وانت معايا
عايشه معاك أجمل أيام
وانت ف قلبي وجوه هوايا
مش ناويه ابعد يا حبيبي
ولا حتى هارضني بيوم بعدك
كل ما في بيتمناك
ويهرب م الدنيا معاك
ويعشق كل تفاصيلك ويلحن كل الأشواق

ولا يوم قلبى هيرضى بغيرك
مش عايزك تبعد يا حبيبي
ولا يوم هابقى لحد انا غيرك
أنا ملكك أنا كل غرامك
أنا همسك نبضك وآلامك
أنا راحتك .. اسمك وجمالك
مش عايزك تبعد وتسيبني

باشوف صورتك

باشوف صورتك في كل الناس
واشوف في قلبك الإخلاص
واقول للكون انا المجنون
أنا عاشق هوا الأنفاس
باشوف صورتك بتحميني
وم الأحزان تخيني
والاقي الكون هنا جايز
يكون ملكي بيشكي لي
باعيش وانا لسه وياك
ولو فارقه تكون روعي كده معاك

بلمسة إيد انا باحيا
أنا عاشق كده هواك
أنا الولهان في غمضة عين
أنا المخمور في عينيك
أنا السكران يجوز يمكن
أنا الميت لكن عايش
باشوف ملامحي ف إيديك
أنا الطفل اللي كان تايه
وويك شاف كده طريقه
أنا الحب اللي كان ضايع
وحب وعاش ف تنهيدة

مالیش غیرها

مالیش غیرها کده هی
عینیه و صفة سحریه
بالاقی الراحة و یاها
تغنی أحلی أغنیه
ولستها بتخطفنی
لدنیا باعیشها و یاها
وباسمع صوتها یسحرنی
مالیش غیرها تکملنی
باشوف نفسی جواها
ملاحها کده منی

بالاقي الراحة وياها
وتخطفني من حلمي
باشوف كل الصفات فيها
وخايفة بجد انا عليها
وجودها شئ جميل لكن
باخاف من الغربة بعديها
باقول لروحي تحضنها
تخاف الروح تؤذيها
أنا عايشه ياناس ليها
دى هي كلها لي
ماليش غيرها كده هي
في عينها بالاقي حنية
تدوبني كده فيها
باواجه خوفي وياها

لأني بتحمي بيها
باعيش ليها وعلشانها
ماليش غير هاتقويني
وتخضني
تنسيني سنين عمرى كده بإيدها

ساب لي جواب

وساب لی جواب مع الوحدة

و كام ذكرى أعيش بيهم

ياناس بكره

وساب لی جواب ياناس جواه حروف اسمی

ساب لی جواب وف سطرین

وباقراهم وقلبی حزين

يقول لی أنا الغلطان

أنا آسف يا ضی العين

معاك انا عشت أحلی سنين

أنا عايش لكن ميت

وروحى لسه وياك
أنا آسف ياضى العين
لكن سامحيني أروجوك
ومتأثر وقلبي حزين
ونفسي أعيش تانى ليك
أنا آسف لكن عاشق
وكلمه منك تحييني
أناراجع وانا غلطان
ونفسي أكون لك أمان أنا نفسي أعود إنسان
وكان مكتوب بخط عريض
حبيبيك اللي كان عاشقك
وياماعشانك اتحمل
أنا غلطان وبتألم
وكان مسك الختام مكتوب
وكان دمعته هنا معلم

يامالك كل واجداني

يامالك كل واجداني
وباكتب فيك حروف شعري
وباحكى ليك كل مشاعري
يامالك كل وجداني
ياحبي وقلبي وكياني
معاك حبيت الكون وياك
ولا عمري في يوم مانسك
باعيش واحلم اكون وياك
واقول لك ايني عايشة معاك
كأني ف حلم

باغمض عيني اشوف صورتك
وباعشق حتى تكشيرتك
وغيرتك دي وانا ملكك
وباقولها وانا وياك
باعشق كل تفاصيلك
وعمرى ابتدا وياك
وعمرى ما اكون انا لغيرك
أنا عاشقة كل إحساسك
أنا أهلك أنا ناسك
أنا حاجة وميت حاجة
أنا كل أنفاسك

قصة جرح

الحكاية من البداية
قلب حب وقلب ساب
قلب عاش كل مافيه
وقلب اتحنى الفراق
الحكاية بنت عايشه
تحب واد
كل حلمه في البعاد
وهي عايشه كل أملها
إن يوم تكون معاه
هي عايشه حلمها
رافضة في يوم تخلف

ياناس كده وعدھا
هو عايش كل حلمه
يلاقى بنت يحبھا
ويبنى بيته ليھا جايز
ويجيب عيال يحبھا
بس تبقى بنت خام
لاهرت ولاحتي عرفت
مرة واحد
أصل قلبه لسه جاحد
البنت بتموت في الفراق
وهو وسط الناس يشوف
نفسه يعجب اى واحده
نفسه ينسى اى خوف
هى عايشه حاضنه صورته

وقلبها دائماً ملهوف
هو عايش ناسى نفسه
حب تانى وقال فى باله
حلم عمرة اللى كان
حلم فى خياله
بين إيديه
نسى أهله نسى ناسه
نسى كل الدنيا دى
هى ماتت من الفراق
هو ضاع وسط الحاجات
ورجع نادى ع اللى فات
لسه بيدور عليها
فجأة راح البيت ليها
سمع صوت صوت
والذكريات كده جوه باله
شريط وفيه كل الحاجات

مد إيدہ شاف حبيته
اللى قلبه كان ناسيها
مسك إيدهاو غمض عينيها
وهو شاف الدنيا فيها
قاعد ينادى كثير عليها
ويقول لها يا الالا انطفى
أنا قلبى عاشقك من زمان
لكن قلبى كان شقى
لكن خلاص ما فيش أمل
وإيه العمل
عاش الولد وسط التراب
يمكن يصلح غلطته
نسى دينته
عاش ع الألم
خلص الكلام دى قصته

دني بدعره

هو حَب وبطيابه
راح مقدم قلبه ليها
هي حبت وبراءة
وف حلمها كان معاها
هو عايش مش ناسيها
هي عايشه ع الأمان
هو فاكر لون عينيها
هي واقفه تماللي سارحه
نفسها تحس فرحة
هو عايش عشان يكمل فرحته

وهى بتحلم بديلته
هو جهاز شفته
هى لسه عايشه تحلم
هو جاه للباب وخبط
عشان تكون ملكة حياته
هى عايشه ف ذكرياته
هو حقق ليها وعده
هى نسيت الآهات
وفعلا كانوا لبعض
هو حب وباستماتة
هى حبت وبراءة

شروع للحياة

ليه حياتي واقفه عندك
والهموم بتزيد علي
وقت غيبتك
ليه تماللي في البعاد
بافتكر يا حبيبي صورتك
ليه صحيح صعب الفراق
وانت عايش في الوريد
والاصوتك وانت غايب
ليه تماللي يكون قريب
ليه حياتي واقفه عندك

بانسى روجى لماقابلڪ
واتولد على همس قلبڪ
من جديد
انت عايش في الوريد
انت حلم كله عيد
اوعى ابدا يوم تغيب
انت مشروع للحياة
فرحتى فرحة وليد

للأني باحبك

للأني باحبك
هاسييك لغيري
عشان بس تحلم
ولايوم تعاني
هاسييك لجرحك
هاسييك تحب
هاعيش لك في فرحك
وهامنع عذابك
ووقت امانزل
هاكون بس جنبك

ووقت اما تفرح
هاكون أناحبك
وعايشه في قلبك
ولكن بعيد
هاتابعك بروحي
وعقلي أكيد
هاسيبك تدور على قلب تاني
يعوض شوية شوقى وحنانى
ووقت اما اشوفك هاغمض عيونى
وادارى كسوفك ولكن ياغالى
بلاش بس تجرح ولاحتى تبكى
كفاية بس تفرح
وامشى واعدى
ولو شفت مرة دموعى ف عيني

اعمل مرة ناسى وانسى يوم ملامحى
ولوتكون قاسى
عشانك هاضحى
لأنى باحبك
فرحك يبقى فرحى
هاجى لك وبارك
واجيب لك ورود
وهافضل أحبك بدون أى صوت
عشانك هاضحى لأنى بحبك
عشانك أموت

بني روح

إنت أصلا في روح
لوجروح الدنيا في
ضحكتك بتزيلها لي
إنت فعلا ابتسامة لديني
نظرتك هي اللي لي
مش هاعيش من غيرك انت
إنت اصلا في روح
لوتغيب ثانية حبيبي
بالاقي قلبي ساب ضلوعي
وراح مكانك جنب منك
والاقي روحي حاضنه قلبك

مستعده تروح في يوم
ولاتفارق لحظة نبضك
إنت أصلا في روح
قول لي بس ازاي أحبك
قول لي بس ازاي اعيش
ثانية بعدك
وانت أصلا في روح
لو هاقول كلامي ليك
مش كفاية

كل يوم بيزيد في قلبي حبك انت م البداية
إنت عندي بكل نبضى
إنت عندي بكل روحى
لوتفارق ثانية حضى
بيكى قلبى من جروحي

باغیر علیک

باغیر علیک یا حبیبی
أنا دنیقی لاقیتها فیک
باغیر علیک کده من سلامک
من کلامک... من سنینک
باغیر علیک من ضحکتک
اللی تخطف القلوب
باغیر علیک من رقتک
اللی مدوبه قلبی دوب
باغیر علیک من همس صوتک
ومن سکوتک باغیر علیک لمانسرح

فيه حاجات كده لماتحصل
أو حتى لماحبيبي تزعل باغير عليك
باغير عليك من لهفتك
خوفك عليّ ورقتك
أحسن حبيبي الناس تشوفك تحسدك
باغير عليك من وجودك
وسط البشر
باغير عليك يكسرك مرة القدر
باخاف عليك
باخاف عليك أنا قد غيرتى
وقد شوقى بجد ليك
وقد كل الكون بحاله
باغير عليك
مش عارفه فعلا قلبي ماله
ساب حبيبي روحه فيك

أول ماشافك قلبي دق
واتخيلك إنك معاه
ماعرفش ليه دائماً كده
روحي تسييني وتعشقتك
والا ليه حبيبي غيرتي كده
ماعرفش ليه باغير عليك من دنيقي
لماتسيبك يوم حزين
والا في يوم قلبك يميل
وتبكي وحيد ف عز ليل

أنا آسف

مش قارد اقول آسف
وسامحيني انا خايف
أنا خايف من الفرقة
ولا الوحدة ما انا مش عارف
باقابل ناس وباعشقهم
واسيبهم وهم لا يسيبوني
وارجع أوضتي من تاني
والاقي الدمع في عيوني
أنا آسف وسامحيني
لأني كفيف

باشوف الناس بلون تانى
وباحسب قلبي إنه خفيف
والاقي الوحدة واخداني
أنا آسف يانور عيني
أنا ماشي معاك طريق
أنا خايف أكون باحلم
والاقي الخوف ملازمني
وحالف إنه يكسرنى
واصحى وانام انا على ضيق
أنا آسف لأنى حزين
باخاف افرح في يوم اسرح
الاقيك...
مشيتى طريق وسبيتني
أنا آسف يانور عيني

ولكن إنت واحشاني
أنا عايز في يوم اعشق
واحب فعلا واطمن
أنا آسف وانا مصمم اقولها لك وأتكلم
وانا ساكت والاقى سكوتى
نبض كلام
ويبقى فيه بينا حتى سلام
أنا آسف ومش هاقدر أسيبك لحظة للأيام

معايا وردة

معايا وردة فيها ريحتك

فيها كلام الحب ليك

فيها غرام علقني بيك

واناملك ليك

فيها كلام

كانت زمان بتقوله عينيك

معايا وردة وفيها اسمك

وفيها رسمك بين ايديا

معايا وردة فيها حضنك

فيها كلام الحب لي

فيها حنان مالى عينيا
مالي حبيبي دنيتي
وانت اللي فيها
كل كلام الحب ليك
حفظته وانت جنب مني
نفسى اقول لك
إني فعلا قلبى عمره ماكان ناسيك
انسى القسيه وارجع تعالى بين ايدي
نفسى أشبع حب فيك
نفسى أبدأ من جديد
نفسى فعلا أبقى ليك
معايا وردة فيها ريحتك
فيها حنانك بين ايدي

طول ماانا وياه

أنا كنت باشوف روحي ف قلبه
وتطيب أحزاني وانا جنبه
ويعيش وجداني كده بقربه
وأعيش في الدنيا بأنفاسه
أنا باضحك جدا في حياته
أنا عاشقة وحافطة لضحكاته
ما اعرفش أحزن طول ماانا وياه
والضحكة بتطلع من قلبي
ما هو ساكن نبضاته وروحي
وهاخاف من إيه وانا ف حضنه

أنا لما يكون بس حزينه
وباشوف طيفه بضحك جدا
أنا ممكن اكون آه مجنونة
وحاسه انى فى سنة أولى
علشان وياه باكون طفلة
باكون عاشقة كل حياته
نبضاتى بتسبق نبضاته
ضحكاتى بتحصن ضحكاته
طول ما انا وياه

الوضع يتغير

ياريت الوضع يتغير
ونبدأ تانى م الأول
نحن لبعض وننسى البعد
ولو صدفة جمعتنا
ندعى إنها تطول
ونتقابل مع الأيام
وتجمعنا سوا الأحلام
ونحضن بكره بإيدينا
ونكتب ذكرى للأحزان
ونمسح دمع في عينينا ونتقابل في أى مكان

ونحضن ضحكة من جواه وشوش حلوة

وكل مافينا كان قاسى

يحن ياقلبي لو مرة

أكيد بكره هيتغير

أكيد هنشوف حاجات حلوة

ومين عايش ومش خايف

ومين شايف هيحصل إيه

هنحضن بكره بإيدينا

هنفرح مرة لو فى العمر

ماحدث فينا كان ضامن

ماحدث عاش حياته ف هم

ياريت فعلا هنتصالح

ونتعتاب ونحضن بعض طول العمر

ياريت الوضع يتغير

حبك مسهرنى

وليه حبك مسهرنى
وياخذنى كده منى
والاقتى كل أحزائى تروح لبعيد
وليه لما حبيبي تغيب
بالاقتى الروح تروح منى
وليه حبك يسهرنى
واشوف صورتك جوه العين والننى
باحبك بس انا مسامحة ولما تغيب
بالاقتى نفسى فى الغربة
واعيش وحدى وأنسى حبيبي المواعيد

لماتكون هنا جنبي باعيش وكأني في الأحلام

وانا حاضنه هوى قلبك

باحس بشوق وأمل وغرام

وليه حبك مدوبني

وليه عشقك مسهرني

وليه يا حبيبي لمتغيب

بالاقي البعد يكسروني

باحبك حب صعب بجد

يجبك بيه حبيبي حد

باجبك وحشتيني

بجك وحشتيني
ياأجمل مارأت عيني
يازهرة بتجبي وجداني
وعايشه ف روحى وخيالى
أنا عاشقة حياتى بجد
عشانك مش علشانى
وباحلم كل يوم إني
اقوم الاقيك في أحضاني
يازهرة كل مافيها
عطر يدوم لأيامي

باحبك وحشتيني
ياأغلى مارأت عيني
بانام على صورة في الوحدة
والاقيق في أحلامي
بتاخدى يايدى م الأحزان
والاقيق ف عينك انت أمان
ياأغلى ماليّ في سيني
باحبك وحشتيني

بِالْفِ فِ صَفْحَاتِكَ

أنا لسه بِالْفِ فِ صَفْحَاتِكَ
لسه بتأمل نظراتك
وباركز جدا في اللايكات
وباخاف لألاقي اسم بنات
وتدمع عيني من الغيرة
أنا أصلا لسه بجد باحب
أنا أصلا حاسه اني ف حيرة
انالسه بتأمل صورتك
وباحضنها وباضحك لمالمحك
ماعرفش ساعتها ازاي اشوفك

أنا فعلا مشتاقه لطيفك
مع إني باشوفك حوالي
علشان انت بكل الدنيا
أنالسه بالف ف صفحاتك
أنا بعشق جدا أوقاتك
اشتقت بجد فعلا للحب
اشتقت لضحكك وهزارك
أنا عايشه ف بُعد لكن عاشقك
باتمنى أكمل عمري معاك

يمكن نتقابل على فكرة
وباحس بقلبه اما باشوفه
بيكون عايز يحضن قلبى
واحضن تفاصيله بين كفى
أنا حاسه بروحى ياناس ملكه
ما اعرفش انا اعيش
غير وانا وياه
ولا عمرى هاحب ياناس غيره
أنا عايشه معاه طفلة بسيطة
وبتعشق ابوها و تفاصيله

أناطفلة

وانا قاردة اتمسك بسكاتك
وأقول للدنيا اني حياتك
وأكون وياك في أحلامك
وظفلة معاك على سجادتك
ما اعرفش أعيش غير وانا وياك
وهاقول للدنيا اني معاك
أناطفلة بتعشق تفاصيلك
وبتحضن دمعك بإيديها
ما اعرفش أكون مرة لغيرك
أناطفلة وانت هنا أبوها

لومرة هتبكى هتسمع لك
وممكن اكون أنا آه دمعلك
أنا بنتك أختك ومراتك
أنا جزء كويس في حياتك
وهاكون وياك كده ف الجنة
هتهنى وهتكون ويايا
في الجنة يا آدم وانا حوا

نتراهن

نتراهن اكون لك وتكون لى
ولا عمرك تبعد وتسيبنى
لو كل جروح الكون وياك
وتشوفنى حبيبي تفضل تضحك
لما تزعلنى آجى واصالحك
وارسم أنا يا يدي ملامحك
ولامرة حبيبي ف يوم هتخون
ولامرة تقسى على قلبى
أنا كل ما في بيتحامى فيك
وانا بافرح جدا وانا وياك

أنا طفلة اتولدت على إيدك
بارسم خطوط الدنيا معاك
وجيبي عليها تجاعيدك
أنا جوه القلب يا أعلى حبيب
هاكون وياك يا أحلى نصيب
نتراهن طول ما نابس معاك
عينيك ما تبصش غير لي
تحضن قلبي بحنية
تخطف النبي من جواه

اتعدوت ع الفرقة

أيوه اتعدوت على الفرقة
مش هاقبل تانى اتنفس بيك
ولا هـ بنى حياتى بجد عليك
أيوه اتعلمت الأنانية
أنا مش محتاجة أكون وياك
أنا قلبى ف يوم كان لك عاشق
ويصحى وبينام على صوتك
وانا ياما حلمت أكون وياك
لكن من دي الوقتى هافارق
لأنى بجد مش فارقه معاك

وبلاش ترجع لي انا تاني
وبلاش تتأثر بحناني
أنا ماشيه وواخده كمان قلبي
اللى اتعذب وانا وياك
مش راجعه لروحك صدقني
مش باحلم ولا متهيألى
أنا فُقت خلاص
مش حنان منك تاني
ولا عايزه أتألم بحنيني
ايوه اتعودت على الفرقة

مشثقة

مشثقة لضغطة على إيدى

في هناية كل سلام بميعاد

أنا حاسه بروحى بتسبقتنى

أنالسه فاكره زمان بيننا

كأنه لسه قصاد عيني

منه اتعلمت الحنية

امتى هيبجى بين الأحضانى

مابقاش يسأل عن أحوالى

من بعد مامات

أنا خدت الصدمة ياناس يمكن فعلا بسكات

لكن باشتاق إنه معايا
بتكلم ويرد علي
يمكن عارف إيه جوايا أو إيه
اللى اتغير في
مشتاقه لضغطة ع إيدي
مشتاقه لهزاره وحنانه
أنا كنت مجنونة وباضحك
وقلبي مكسور بوفاته
من بعد مامات بطل يبجي
بطل يسألني كيف حالك
والا انا ماباجيش يوم علي بالك

حاسه بروحه حوالی

حاسه بروحه حوالی
وماسکة إيديه لإيديا
وسامعه كلام زمان اتقال
إمتی نتقابل وبيحلم
وابص بعيني في عيونه
أناشايلاه كده قصادي
يقول لي كلام ماهوش عادي
ولكن في هناك مسافات
تخليني أقول باحلم
واقول ذكري وتعدى

ولكن فيه ما بينا حاجات
ولمسة إيدته والسلامات
تقول ذكرى لكن عايشه
وقلبي يدق ميت دقة
ولكن فيه ما بينا حنين وبيناساعات
لقا وأشواق تصحى القلب بالدقات

نفسى أكلمها

انا نفسى أكلمها
و آجى بجد أعاتبها
ولما تييجى تتصالح
آخذها ف حضنى والاعبها
دى طفلة قلبى يا اخوانا
وهى تتدينى القوة
ضعيفة بتتقوى فى
وعمرى ف يوم ما هاظلمها
أنا راجل وقد كلامى
أنا فارس لأحلامها

هالكون أب انا لعيالى
أنا عايش باكملها
وهى كمان تكملنى
ده حوا كلها منى
وانا فى الأصل آه منها
أنا عايش فى أحلامها
هاحقها كمان ليها
واخليها تعيش ملكة
واكون فرحة تنسيها
أنا عايش عشاقها وبس
وهاكون بيها تماللى باحس

هتسمح لى

هتسمح لى في يوم أبكى
ولا لغيرك في يوم أشكى
هتسمح لى أكتب لىك
قصائد شعرى الدافى
ولو لحظة في يوم هابكى
تكون إيدك على اكتافى
تطبط لى وتاخدى
لدنيا فيها حنية
وتبعدنى ياروح قلبى عن الأحزان
هتسمح لى تكون لى أمان
وحلم معاك هيتحقق

وآخذ بكرة بالأحضان
هتسمح لي تعيش لي
وتملا الدنيا بالأحلام
و الا هتسيب دموع عيني
تترل في أى مكان
تسمح لي يانور عيني
لوحظة قابلت الخوف
أكون انا جوه أحضانك
من غير خوف
أكون شايفاك واكون عارفك
واتحامى بيبك واكون لامسك
اكون انا ليك
تكون لي
هتتملا دنيتي دي
بورده الحب وهمس الشوق
وعطر الورد مع الأشواق

حبيتها

حبيتها بجد عشان شبهي
والاحببتها بجد صحيح
حبيتها عشان بتشوفني معاك
والاروحك ليها تماللي تروح
حبيتها عشان داوت روحك
عشان حضنت وقت جروحك
حبيتها عشان باكون وياك
والا اتعودت ع الفرقة
حبيتها امتي طب وازاي
والا رسمت بيها الأحلام

فهمنى وقول لى حبيتها
والا كلمة وبس ووصلتنى
طب قول لى بجد هي شبهى
والا انت ياغالى نسيت قلبى
حبيتها بجد حبيتها صحيح
والا اتعودت تشوف جرحى
حبيتها بشوق والاسم جريح
طب شفت ف عينها فرحى
اتكلم قول حبيتها ازاي
طب ايه بتحسه ف كل سلام

في الواقع

بتزين وشها بالضحكة
بتدراى وجعها بميت ضحكة
ولاعمرها يوم بتقول الآه
ولامرة تسمع صرختها
بتشيل جواها كتير ياما
تنهيدة بجد تموتها
بتشوفها تقول دى مغرورة
ولاعمر ك تفهم آه وجعها
ولاحتى سر سكوتما بجد
أوقات بتقول دى مغرورة

في الواقع بتكون مكسورة
وتزين ضحكة بتسعدكم
وتشيل من قدامكم صورة
إنها حزينة أو مكسورة
بتنام وتقوم على دمع عينيها
في الواقع لو حنت بتخبي
ولا عمرها يوم ترجع لوجعها
ولا ترجع يوم لحبيب ساها
في الواقع تركيبة مختلفة
لكن في الألفة موجودة
هي الأم الأخت الناصحة
لكن دمعتها مكبوتة

محتاجة لخصنه

محتاجة لخصنه يهديني
وياخدني لدنيا غير الدنيا
ماعرفش انا ليه بتنام عيني
على دمعي الصاحي في عينيا
محتاجة ياناس ألمس وشه
واخطف إيدته بين أحضاني
مشتاقة السمع همس شفائفه
محتاجة لخصنه يهديني
يخطفني من كل العالم
ويقول لي كلام ويسمعني

يخطفني ما بين هنا أحزاني
أنا نفسي أشوف في عينه الضيِّ
أنا عايشه عشانه ده هو الحل
محتاجه أتأمل نظراته
محتاجه أكون جوه حياته
محتاجه أعيش لحظات وياه
ولما يغيب قلبي يكون معاه

جواك جرح

لو كان جواك جرح وواجهك
ارميه على قلبى وهو يشيل
ويكون وياك جنة جميلة
موجودة حبيبي مع التفاصيل
هارسم على وشى ملامح منك
وهاكون وياك وافضل الاعبك
واتأمل فيك ياابنى وحيدى
وامسك إيدك أنا من جوه
وأضمك واعشق تفاصيلك
وارسم على وشك ميت ضحكة

وآخذ أنا كل جراح قلبك
وأديك نسمة تعدى
حبيبي بالشوق والطيبة على حدودك
وأغيرانا عليك
وامسك في إيديك
وألاعب رمشك الساهر
وأكون أنا لك ليلي ياغالى
وتكون في إنت المجنون

رسالة

أول مارسالة بتيجى منك
بيضحك جوة ويريدى النبض
ما اقدرش انا أبدا اغيب عنك
ما اقدرش ابعد وانت القرب
أنا أول ما اسمع صوتك بس
باسمع جوايا أغاني الحب
أول ما باحس بهمسك بس
بيطير جوايا كمان القلب
ويحضن كل ما فيك
وبجد باحس انا ليك

وإنك لي
قبل ما افتح أيوه عينيه
ووریدی وشريانی إنت
وازای انا احب حبيب تانى
أنا جواك وانت معايا
وانت كمان والله جواي
ما عرفش أعيش ثانية ياغالى
من غير ما آخذ روحك لي
واحضنها واخبيها ف قلبي
والنبض بيعزف أغنية
وانا آه وياك وانت معايا
وانانفسى بجد ف حضن هواك
واحكى للناس أحلى حكاية

ضله هو ضلك

قلبي قال لك إن ضله هو ضلك
وانه حالف طول حياته
إنه يبقى جوهر نبضك
مش هيبعد يوم ياغالي
هو عايش جوهر منك
والحكاية إنه عاشق
كل نبضه جوهر قلبك
مش هاعيش غير وانت جنبي
مش هيدخل حد تاني لحظة قلبي
قلبي قال لك

إنك انت كل حاجة ف ذكرياته

حدعايش م البداية ع اللي فاته

إنت حاضر إنت آتى

قلبي يعزف كل ليلة

أنغام حياته معاك ياغالى

نفسى أقرب بين إيديك

واهمس فى ودانك ياغالى

بس

هاعيش عشانك واكون حبيبي بيك هااحس

قلبي قال لك إن ضله هو ضلك

فائرة

فاكرة يوم عشقت قلبى

لماقال هيموت عليك

لماقال إنه شاريك

وان نبضه جوه منه

بس ليك

فاكرة يومها قلبى حبك

قال في باله إنه ملكك

مش هيدخل حد بابيه

مش هيفتح تانى لحظة إلا ليك

فاكرة يوم ماقلت باحب

وإن أصلا روحى فيك

وإنى عمرى مش هيكمل إلا بيك

كل دى مشاعر فى قلبى

عاشها وحده حبيبى ليك

قلبى عاشق كل حاجة

عصبيتك وانا بين إيديك

حتى غيرتك

عاشق هنزارك

حتى حيرتك

قلبى قال إنه حبك

وانه عاش العمر ليك

مالیش غیر ربنا

بادوَرِّ فِیْ جَوایِ
وباسمع صوت مالی کیانی
مالیش غیر ربنا معایا
ومش محتاج انا تانی
یارب سامحنی لو غلطان
اُنا آسف یارب سماح
اُناراجع وکلی جروح
اُناعایش حلاوة روح
اُناراجع انا نادمان
اُناعایش وکش عایش

أنا على طول أنا زعلان

أنا شايف لكن خايف

أنا أعمى طول الوقت

أنا باموت مع الدقات

أنا آسف

وطول الوقت باودع روحى بالسلامات

أنا محتاج تطمنى

ويهدى القلب بوجودك

واكون ع الكعبة يارسولى أنا نفسى أكون وياك

واصلّى وراك وتدعني لى

أنا حاسك لكن أعمى

ومش شايفك

وقلبى الأعمى يتمنى يكون عارفك

أنا آسف ونفسى بجد

أمد الإيد على الكعبة
وانام فعلا وانا رايق
أكون مبسوط ولا اتعب ولا اتضايق
أنا نفسي آجاي لك جد
أنا خايف أكون عاصي
ولكن قلبي مش ناسي
أنا حابك وحابب
كل آه أرضك
وكل عبادك ياقاضي
ودائماً جوه وريدى بافتكرك
أنا مش جاحد
ولكن كل ما في بيتأمل فرحماك
أنا عايش ومش عايش
ونفسي أكون هنا جنبك
على أرضك يارب الكون على أرضك

بطلت أعاتب

بطلت أعاتب السنين
بطلت أندم ع الحنين
بطلت أبروز ضحكك
بهمس الشفايف المشتاقين
بطلت أمشى خطوتك
بطلت أرسم سكتك
واعشق سكوتك
بطلت أدمع ع اللي صابك
بطلت اشوف لحظة كسوفك
بطلت اقول لك إني عاشق

يوم وجودك
بطلت أعاتب السنين
بطلت افكر في الحنين
بطلت اشوف نور القمر
ضامم عينيك السهرانين
بطلت اشوفك كل حاجة
بطلت أعشق أى حاجة
بطلت أحبك رغم عشقى
رغم حبل الود بينى وبينك انتِ
بطلت أعشق السكوت
بطلت أحبك انتِ موت

نفسى أشاركك

نفسى أشاركك كل أوقاتك
وأكون وياك قصة ورواية
ماليها بداية ونهاية
واعيش وياك أعيش انا ليك
واحضن نك السهران
ما بين إيدى اللي عثمانة
وتحضن ليك العاشق
وروحى أنا الوهانة
أنا عايزة اكون نبض ف قلبك
واضمك وانسى الكون جنبك

واكون قريبة من نبضك
واعيش معاك جوه جراحك
واحفظ ملامحك وطموحك
ماين كفى
وأرسم على الشمس كسوفك
وأرسم ع الوريد قلبك
لمايدق بيان خوفي
واتحامي فيك . لحظة طيفك

باسرح بخيالى

باسرح بخيالى واشوفك جو اى
بتمنى تكون طول عمرى معايا
بتمنى حبيبي ابنى اشوفك
أو ألمح طيفك ويايا
واعيش العمر حبيبي معاك
واتمسك بيك طول مااناوياك
واطمن طول مانت معايا
واتأمل في ملامح حبك
أنا نفسي أضمك من قلبى
وأعزف نبضات اسمها عشقك

أنا نفسي أكون وياك أو ليك
ما اقدرش أبعد ولا يوم أنساك
طول ما انا وياك شايفاك
عصفور بيغنى معايا
ويعزف لحن جميل في الجنة
أصل انا بتمنى أكون وياك
واتمنى أعيش العمر معاك
وأضمك جوه ف أحضاني
وأسافر بيك في كل خيالي
واتمنى أكون شايفاك قدامي
واسهر أنا طول الليل
اتأمل كل سنين عمري
ولا عمري أعيش العمر وحيد
بتمنى أموت وانا بين حضنك
دى الجنة ف قلبك قبل عينيك

إحساس غريب

إحساس غريب باحسه معاك

وباحس إني ملكت هواك

وباكون ع الأرض والاسم ملاك

وبارفر ف دايمًا وانا وياك

ماعرفش أعيش في الكون

من غير حبك جوأي

أناليك يا حبيبي

باعزف لحن غنايا

أنا باكتب قصة جميلة ليك

وانت الفارس جوه عيوني

أناقلبي عاشق سحر عينيك
بالاقي روجي دايرة فيك
تعالى يالا هات إيدك
خلينى أكمل حب فيك
ونفرح بالحب واحنا سوا
ياأحلى شوق وأحلى حكاية للهوى

ماتزعلیش

ماتزعلیش منی حبیبتی
لوحتی یوم غبت علیک
داری الهموم جوه عینک
أول ماشوف بس ملامحک
أجرى علیک واشکیک
أناقلی طیر طایر لبعید
بیقول لک إنتِ الحب أكید
أنا نفسی أحضن آه هواک
وأكون معاک یا کل مای
أنا لوهاغیب فعلا عنک

أكون أنامش في الدنيا
أناقلبي حبك مش عايز
بيعد ولوثانية حبيتي
عاقبيني يمكن أوجايز
لكن حبيتي ماتسيينيش
مااعرفش ليه إزاي فعلا
ما اقدرش اعيش إلا معاك
إيدي ف إيديكِ ضميني
سييني أحضن أحلامك
شوفي ملامحي وسيني
خليني أعزف أشواقك

حيرني ف هواك

أعمل إيه وياك
ياحيرني كدا في هواك
مش عارف أحبك أكثر من كدة
لما اسمع صوتك
قلبي
بتزيد فيه الدقات
لما ألمس إيدك
باروح للجنة معاك
حتى صوت أنفاسك بتدوبني فيك
عاشق سحر عينيك والحنية اللي فيك

أعمل إيه وياك

نفسى ألقى كلمة

غير

باحبك اقولها ليك

فعلا كل ثانية

باعشق كل ما فيك

أعمل إيه وياك

فعلا أنا

عايش عمري بس لهواك

يا قلبى يا مجروح

قلبى يا صابر ع الندم
مجروح ومكسور تمالى
والدمع نازل م العيون
والقلب مخزن للجراح
ولاعادش ينفع ايه يكون
ولاعادش نافع ايه اللى راح
نفسى تتعلم شوية
والاقتى فيك حبة قسية
نفسى أكون زي اللى كانوا
ما فيش ضمير

ولا أى حاجة مخوفاهم

نفسى يتمنع الكلام

واكون أسير للأحلام

وأكون بجدمش كلام

أنا حد تانى

أنا مش هاكون حد إلا نفسى

ومش ها حاسب ع الجراح

ولا هابكى تانى ع اللى راح

أنا نفسى اكون قاسى كمان

ما جيش بضحكة ولا سلام

أنا نفسى اخون لكن خلاص

ما حدش نافع أى حاجة

أنا هاكون نفسى يا نفسى

ومش هتفرق أى حاجة

أنا قلبي شال ليهم كتير
مااعرفش ليه دايمًا جريح
يرجع يحن ويكون معاهم
زى طير عايش يادنيا حلاوة روح
حرام عليك ياقلبي تبقى ملكهم
ويعذبوك كمان وانت تحبهم
ارجع تعالى ليّ
واركز في الضلوع
أصل الوجد فيّ وانت فيك الروح
ياقلبي يامجروح

ياما قلت

ياما قلت حتفضل معايا
وبعدت عنى
ياما قلت ح احافظ عليك
وكسرت قلبى
رسمت لى أحلام
صحيت على الأوهام
ملكنتى بهواك ودمرت حبي
عيشتنى ف جراح وألم وويل
دمعى بيتزف من قلبى العليل
كسرت كل شئ جواي وعائش عادى
بتضحك وتفرح قصادى

ولا همك قلبي يعيش ولا همك يموت عادى

مش نادمانه على شئ راح

بكرة قلبك حيعيش في جراح

ماانا نسيت عشان تعيش مرتاح

كماتدين تدان

يارب يارحمن

ياعالم الأكوان

احفظ حبيب غالى

داوى وجع على

يارب يارحمن

ماعادش فيها أمان

حببته وظلمنى

عيشنى في الأوهام

وداويته وجرحنى

وعيشنى في حرمان

عالم ياربي

عالم ياربي باللى جواي

بحبه وهوّ كل منايا

وعاشق سحر عينيه

وباحلم بيه وبأشواقى

بتمنى أوصف له اشتياقى

وباحلم بيه طول ماانا وياه

عالم ياربي بهوايا

عشان أنا باتمناه

والقلب يدق طول ماانا شايفاه

أنا عاشقة عينيه

وباحب الحب عشان بهواه
واناعيزه أكمل عمرى معاه
عشان اناحاسه بأنفاسه
وأسعدده أناطول أوقاته
باشتاق لعينيه
ولهمسسه كمان
وباعيش في حقيقة ولا الأحلام
ولا أى كلام يوصف حبي
ولا أى كلام يوصف شوقى
وبادوب وانا جوه ف أحضانه
وباشوف أحلامى قصاد عينه أول مايجينى يكلمنى
بتمنى حبيبي تفهمنى
وأدوب معاك وأحطك جوه العين
ياأحلى ملاك دوربى وحس بأنفاسى

خليني معاك يا حساسي
أنا وهبت الدنيا ليك
وحياتي مش هتغلي عليك
أنا نفسي أكمل عمري بيك
باشتاق دايما طول ما أنا وياك
واشتاق أكثر لعذابي معاك
عالم ياربي باللي أنا فيه
أتمنى بس أشوف عينيه

باتنفس بيك

إزاي يا حبيبي تقول لى
إنك في يوم هتغيب
هو ما حدش قال لك
إني باتنفس بيك
أنا عايشه عشانك فعلا
في الواقع قلبى شاريك
ما أقدرش ف يوم أغيب
لما بتكون جواي
بتدارى ف سحر عينيك
العشق مسموح ليك

والفرقة ممنوعة بيبك
ماتيجى نواصل الأشواق
ونتقابل في بحر الشوق
ماانا وانت صحيح أحباب
ماتيجى نرسم أحلامنا
بريشة جميلة ف أيامنا
وقلب حبيبي فيه سهمين
ونتقابل في أحلامنا
أناقلبي بجد شاريك
وبالاقى نفسى جوه عينيك

هتلف الدنيا

هتلف الدنيا بينا
ونتقابل ف يوم تانى
ونمسح ذكرى تناديننا
ونبدأ عمر من تانى
أنا آسف يانورعيني
لوحيت
وآسف لوفى يوم سييتك
وآسف لوأنا ظلمتك
ولكن في ما بينا كلام
أنا آسف ياروح الروح

لو كنت لسه باشوف صورتك
وأحضنها أنا قبل ما انا
وأسف لوفي يوم جايز
أشوف دمعة أكون عاجز
وأفضل أبص لعيونك
وانا شارد وانا موجوع
والاقي عيوني فيها دموع
أنا أسف ومش هارجع
ولا هادمع يانورالعين
ولكن قبل ما أسيبك
هاقول لك كلمة يا حبيبي
مش لازم تكون متضايق
أنا عايزك تحب جديد
وتعشق دنيتك تاني

ولا تبقى في يوم قاسى
ولا تعشق في أحزاني
ولا تنسى إحساسك
ولا تكره في يوم نفسك
وأكيد الدنيا تثبت لك
أكيد أنك هتتساي
وتفرح برضو يا حبيبي
ومش هاسمح أشوف حزنك
وأحضن فرح أيامك
وأحضن غصن أحلامك
أنا باحيك وعائش لك

ياوردة مزينة الدنيا

الحزن مش ليك
ياوردة مزينة الدنيا
باشوف الفرحة في عينك
وباحضن فعلا الضحكة
أنا جنبك بالاقى الراحة
وطول عمري باقولها صراحة
أنا ليك ومش خايف
أناشاييف ومش عارف
أشوف غيرك
ياوردة مزينة الدنيا

ولا أقدر أكون مثلاً لناس ثانية
أنا عارف كلامي كثير
ولكن إنت يا حبيبتى
ياوردة مزينة الدنيا
باكون حاسك
يانور عينى بعطرك يملا آه الدنيا
أنا شايفك وانا جنبك
ولما باكون باكلم روحك العاشقة
أنا باشتاق لك أيوه أكيد
ولا عارف أقول لا
ياوردة مزينة حياتى
وليك القلب يدق حبى
ميت دقة
أنا عايش عشان أرسوم

على وشك هناك ضحكة
لأن الحزن مش ليك
أنا عاشق ياروح الروح
سكوت صوتك
أنا عاشق هنا وجودك
وطول العمر هاكون ليك
ياريت تمحي بقى حزنك
عشان الحزن مش ليك

أجزلي ملاني

من بعد ما غبت
بطلت أسأل
بطلت تشوف في حياتك
بطلت أخبط على بابك
بطلت تاخذني بنظراتك
وتاخذني ف حضنك وكيانك
والدنيا حقيقي بقت غابة
وبقت مليانه آه كآبة
من بعد ما غبت
بطلت أشوف

طيفك يبعدي ف أحلامي
بطلت أرمي نفسي ف حضنك
وأشكى من قسوة أيامي
أنا عارفه بجد إنك سامع
صدقني صحيح قلبي أنا موجود
لو تعرف ترجع أبوس إيدك
هتلاقي كل ما في جروح
ما بقتش باحب الناس بعدك
أنا مش باكرهم على فكرة
أنا حاسة بياني مش عايشة
عشان روحي بجد معاك
أنا حاسة بروحي بتخطفني
وانت فثي الحلم ولا تعرفني
ارجع وتعالى وطمنى

اعمل معروف
القلب خلاص أصبح خايف
أصبح ييشوف من كتر الخوف
مش عارف فعلا طب و إزاي
أنا عايش فعلا والا باموت
في الحلم باشوفك لابس أبيض
وتنور فعلا في الضلمة
متكونش داخلت الجنة بجد
ادعي لي حبيبي أكون وياك
لو غبت حبيبي مهما غبت
ادعي لي أكون فعلا جنبك
ومكاني في الجنة
احجزو هالي
وتشوفني تاخذني بالأحضان

من بعدك أنا مش حاسة أمان
الجنة معاك أحلى حكاية
ننهى حبيبي تفاصيلينا
مع إن فعلا كان نفسك
تشيل بجد آه عيالى
وتحضن عينيا أما آجي لك
والني يحضن تفاصيلك
وتاخذني قدام الناس فعلا
وانا ايدى فعلا على ايدك
وتسلمنى ياروح قلبى
لحبيبي فعلا وحبيبك
وتقول له خد بالك منها
ولو يوم يزعلنى آجي لك
واتحامى فيك من كل الناس

أبعدك انت يانور

عيني

مش حاسة طعم الدنيا خلاص

لو كنت ناوى تيجي لى بجد

أول ما أنام مستنيه

واحجزلى مكانى فى الجنة

او عدنى ماتغيش عليّ

او عدنى ماتغيش عليّ

او عدنى ماتغيش عليّ

جوه ملاحك

أنا كنت باشوف أيوه ملاحك
لما بنتخاصم بيصالحك
أنا قلبى حبيى معاك عايش
ع الفرحة اللي باشوفها ف عينك
محتاجة أكون جوه ملاحك
محتاجة أحضن أيامك
محتاجة اتعود على روحك
مش عايزه أخاف طول ماانا وياك
أنا عايزه أكمل عمرى معاك
أنا يمكن كل اللي ف قلبى

صعب إن أقوله يا حبيبي
أنا قلبى لو فكر يزعل
أويغضب بس عشان منسى
بافتكرك وانت هنا جنبى
وبتلمس إيدى وتاخدى
من الدنيا معاك
أنا بافرح جدا وانا وياك
ما عرفش إزاي
يمكن علشان قلبى بيهواك
ويعشق كل الدنيا دى بيك
ويعشق فرحه في يوم تهرب
وبتحضن كل الناس بعينيك
أنا ممكن جايز أكون عاشقة
وانا صاحيه تماللى باحلم بيك

حاضنة صورتك

بالاقى روحى حاضنه نَنك
كل شئ جوايا منك
إيه فاضل لى بعد حضنك
غير بقايا ذكريات
بافتكر اسمك تماللى
وحاضنه صورتك بالساعات
بالاقى روحى رافضة تسمع
أى حاجة يومها توجع
زى مايكون قلبى مات
أوتماللى يكون معاك

نص حاجة بس تكمل
جنب منك م اللي فات
نفسى بس ف نظرة منك
نفسى أنا م وانا جوه حضنك
وانسى تعبي بين كفوفك
نفسى أحضن شمس طالعة
في الحياة دى من كسوفك
إنت عندى بكل ناسى
مش هاقاسى ف يوم حبيبي
إلا من بعدك علي
وإوعى ثانية تغييها فعلا
ولا يوم تقسى عليّ

أنعاشقة

أنا العاشقة هوى قلبك
أنا لوحدى أنا باحبك
أنعاشقة صفا قلبك
أنا دايرة كده ف حبك
ولا غيرى ملك قلبك
ولا غيرك حرضن قلبى
ولما باشوف دموع عينك
بيكى القلب وييجي لك
ويحطف منك الأحران
ويدي لك هنا وأفراح

يقول لك إيه يانور عيني
أنا نفسي ف نسيم قلبك
بيحضني يخيني
وانام واصحي على حبك
وأرسم فرحة لعيوني
يا فرحة عمري
والأيام أنا شافه معاك حلمي
يا شاغلي وشاغل بالي
يا كل مالي طمني

بتحمافيك

أول مرة أحس بجبك
أو أتمنى إني افضل جنبك
كل ما في حبيبي بيحبك
نفسى ف مرة أكون وياك
وف أحلامك أبقي معاك
وألمس إيدك كده بإيديا
واحضن كل الدنيا عشانك
أنا بتنفس لما باشوفك
بارسم كل ملامح الكون
جوه ف عينك
أنا شوقى حبيبي كان وصفك

أتمنى أدارى في كسوفك
أنا عيني بترسم أحلامنا
وباشوف بين إيدك آه الجنة
بتمنى أكون وياك فعلا
أحميك م الكون
وأكون وياك
واسهر علشان فعلا باهواك
وأكمل عمري الجاي وياك
أنا بتحامي فيك ياناسيني
ياساكن جوه وجداني
وطول الليل باسهر أنا ديك
أنا أصلا عايشه حياتي
انا ليك
أنا بتحامي فيك
أنا كل حياتي
واقفة عليك

غصب عنى

أيوه سيبتك غصب عنى
سيبت قلبى يكون معاك
غصب عنك غصب عنى
قلبى عاشق آه هواك
مش هافارق مهما أغيب
مش هاسيبك آه أكيد
دورى وسط الليالى
دورى وسط الزمان
هتلاقينى جوه قلبك
هتلاقينى ف يوم أمان

أيوه سيبتك غضب عنى
بس شايفك بتنادينى
كل يوم بيفوت عليّ
صوت دموعك جوه منى
أيوه ماشى غضب عنى
بس سايب ليك صورة
وألف دعوة حلوة منك
كل ليلة بتنادينى
أيوه ميت بس عايش
جوه جنة يانور عيونى
أيوه سيبتك غضب عنى
بس سايب ليك اسمى
وألف حاجة حببتي منى

نفسى أهرب

نفسى أهرب بس ليك
نفسى أهرب من عينيك
نفسى أعرف ليه تماللى
جوه منى بالاقى روحك
ليه باشوف دايمًا ملامحك
جوه منى تشتاق إليك
ليه باحن دايمًا حبيبي
في الفراق ألمس إيديك
ليه تماللى بالاقى نفسى
والاقى شوقى والاقى همسى

كل حاجة في فعلا
ليل نهار تنده عليك
ليه تماللي ف عز جرحي
كل شئ جوايا فعلا
يبقى نفسه في حضن منك
يبقى نفسه يكون معاك
جوه حضنك ليه تماللي
بالاقي نفسى طفلة ليك
وابقى ليه دايمًا حبيبي
يبقى مسؤلة منك
وابقى مسؤلة عليك

الفهرس

٥	حلم قواني.....
٧	ليه تعاني؟.....
١٠	حاضنة قلبك.....
١٢	احضنى قلبى.....
١٤	جاه وقال لى.....
١٧	حته منك.....
١٩	مش عايزك.....
٢١	باشوف صورتك.....
٢٣	ماليش غيرها.....
٢٦	ساب لى جواب.....
٢٨	يامالك كل واجدانى.....
٣٠	قصة جرح.....
٣٤	وفى بوعدده.....
٣٦	مشروع للحياة.....
٣٨	لانى باحبك.....
٤١	فى روح.....
٤٣	باغير عليك.....
٤٦	أنا أسف.....
٤٩	معايا وردة.....
٥١	طول مانا وياه.....

- الوضع يتغير..... ٥٣
- حبك مسهرنى..... ٥٥
- باحبك وحشتينى..... ٥٧
- بالفصفحاتك..... ٥٩
- بيعشق تفاصيله..... ٦١
- أناطفلة..... ٦٣
- نتراهن..... ٦٥
- اتعودت ع الفرقة..... ٦٧
- مش تافاة..... ٦٩
- حاسه بروحه حوالى..... ٧١
- نفسى أكلمها..... ٧٣
- هتسمح لى..... ٧٥
- حبيتها..... ٧٧
- في الواقع..... ٧٩
- محتاجة لحضنه..... ٨١
- جواك جرح..... ٨٣
- رسالة..... ٨٥
- ضله هو ضالك..... ٨٧
- فاكرة..... ٨٩
- ماليش غير ربنا..... ٩١
- بطلت اعاتب..... ٩٤
- نفسى أشاركك..... ٩٦
- باسرح بخيالى..... ٩٨
- إحساس غريب..... ١٠٠
- ماتز عليش..... ١٠٢
- محيرنى ف هوأك..... ١٠٤
- ياقلبى يامجروح..... ١٠٦

١٠٩	ياما قلت
١١١	عالم ياربى
١١٤	باتنفس بيك
١١٦	هتلف الدنيا
١١٩	ياوردة مزينة الدنيا
١٢٢	احجزلى مكانى
١٢٧	جوه ملامحك
١٢٩	حاضنة صورتك
١٣١	أنا عاشقة
١٣٣	بتحمافيك
١٣٥	غصب عنى
١٣٧	نفسى أهرب

obeikandi.com

